



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1572 usque ad annum 1581

**Fleury, Claude**

**August. Vind. [u.a.], 1772**

**VD18 90118642**

§. 86. Cornelii Jansenii Gandavensis Episcopi obitus.

---

[urn:nbn:de:hbz:466:1-67232](https://nbn-resolving.org/urn:nbn:de:hbz:466:1-67232)

Sæcul. XVI. ut nullum præfati testimonii exemplar  
 A.C. 1576. publici juris fieret, Herdensis vero An-  
 tistes Deputatis publica deprecatione  
 satisfaceret: hac igitur ratione censorii  
 iudicii archetypum ei, cui antea fuit  
 traditum, eripiebatur, totumque diffi-  
 dium plene sopitum est. De cetero re-  
 liqua Caranzæ opuscula erant instructio  
 pro audiendo Missæ sacrificio, & tra-  
 ctatus de Episcoporum residentia, quam  
 juris divini esse propugnabat.

## § LXXXVI.

*Cornelii Jansenii Gandavenfis Epi-  
scopi obitus.*

*Miræus de  
 script. sæcul.  
 XVI.  
 elog. Val.  
 And. in Bibl.  
 Belg.  
 San Marth.  
 Gallia Chr.  
 tom. 2.  
 Dupin. tom.  
 16. p. 116.*

Alter ex Scriptoribus Ecclesiasticis hoc  
 anno defunctis erat Cornelius Jan-  
 senius natus Hulstæ, quæ ditionis Waes-  
 Metropolis in Flandriæ Comitatu sita  
 est. Hic Lovanii confecto literarum  
 studio pro intelligendis sacræ Scriptu-  
 ræ mysteriis necessariam linguæ græ-  
 cæ, ac hebraicæ scientiam sibi compa-  
 rabat, atque in Tungerloensi Præmon-  
 stratensium Abbatia Theologiam trade-  
 bat, quo munere per duodecim annos  
 functus interea suum commentarium  
 de concordia Evangeliorum elucubra-  
 bat, quod opus inter cetera primum  
 Anno restauratæ salutis millesimo quin-  
 gentesimo quadragesimo nono prima vi-  
 ce imprimebatur, ac postea editiones  
 quam-

Sæcul. XVI,  
A C. 1576.

quamplurimæ variis in regionibus fe-  
quebantur: in eo autem præter litera-  
lem textuum explanationem non pau-  
cæ reperiuntur adnotationes in sensum  
moralem, & mysticum, necnon con-  
troversæ quæstiones exactissime discuf-  
sæ, quinimo haud immerito affirmari  
potest, quod ex omnibus commenta-  
riis, quos respublica literaria circa Evan-  
gelii historiam possidet, Jansenianus sit  
omnium celeberrimus, rerum copia u-  
berimus, ac utilitate præstantissimus:  
præterea eodem tempore Jansenius ali-  
um concinnabat commentarium in Sa-  
lomonis proverbia, Ecclesiasticum, Can-  
tica Canticorum, & librum Sapientiæ,  
quod opus primo Lugduni circa annum  
Domini millesimum quingentesimum  
octogesimum, ac postea sæpius Antwer-  
piæ excusum prodiit: denique ex ejus-  
dem Authoris calamo profluxit Para-  
phrasis in Psalmos unacum amplissimis  
notis, in quibus literalem, historicum,  
& Propheticum Psalmorum sensum ex-  
plicans eundem textum in quolibet sen-  
su intelligi posse demonstravit: porro  
textum hebraicum ferme ubique sequi-  
tur, quin tamen ad dilucidanda quæ-  
dam sacræ doctrinæ loca versionem græ-  
cam negligat.

Ceterum Jansenius, postquam in  
Tongerloensi Abbatia Professoris mu-  
nus

**Sæcul. XVI.** nus cum eximia nominis sui laude obie-  
A.C. 1576. rat, apud Cortracenos Parochus ad  
 Sanctum Martinum nominabatur, quo  
 Pastorali munere per duodecim annos  
 functus, atque ab omnibus suis paro-  
 chianis æstimatus summopere diligeba-  
 tur; nam eos solidis doctrinis, piisque ex-  
 emplis ad virtutum exercitia animabat:  
 cum autem disponente Divino Numine  
 ad ampliores Ecclesiæ dignitates natus  
 videretur, relicto suo Beneficio Lova-  
 nium reversus est, ubi doctoratus lau-  
 rea insignitus ad Sanctum Jacobum De-  
 canus creabatur, retento Doctoris, ac  
 Theologiæ Professoris munere: demum  
 præter alios a Philippo II. Universitatis  
 Lovaniensis Deputatus ad Concilium  
 Tridentinum mittebatur, ubi ob suam  
 modestiam, ac sapientiam non minus,  
 ac suam eruditionem ab omnibus ma-  
 ximi habitus est: inde vero reversus,  
 ab Hispaniæ Rege in meriti sui præ-  
 mium, cum a Paulo IV. Anno millesi-  
 mo quingentesimo quinquagesimo nono  
 novi Episcopatus in Flandria erigerentur,  
 Gandavensem Sedem obtinuit, cujus ta-  
 men possessionem ob tumultus in Belgio,  
 ex nova horum Episcopatum erectione  
 ortos, non nisi Anno Christi millesimo  
 quingentesimo sexagesimo octavo acce-  
 pit, ac primus Gandavensis hujus Ec-  
 clesiæ Episcopus, anno post Christum

natum millesimo quingentesimo septua-  
 gesimo ibidem Synodum celebravit, tan-  
 dem vero huic Ecclesiæ per octo annos  
 digne inserviens die decima Aprilis hoc  
 anno reparatæ salutis millesimo quin-  
 gentesimo septuagesimo sexto in sua E-  
 piscopali urbe obiit, annos sexaginta  
 sex natus: porro ea, quæ in Michaelis  
 Baji causa gesserat, jam alibi memo-  
 ravimus.

§. LXXXVII.

*Fata Jacobi Paiva de Andrada.*

Hoc item anno Jacobus Paiva de An-  
 drada Lusitanus Theologus dece-  
 sit, qui ex nobili Lusitanorum familia  
 ortus, illustrius adhuc ob suam erudi-  
 tionem, quam generis nobilitatem in-  
 claruit, ac postquam sacræ militiæ uni-  
 ce, ut seposita omni dignitatum cupidi-  
 tate utilius Ecclesiæ inserviret, adscri-  
 ptus erat, præcipue sacræ doctrinæ, &  
 Patrum studio sese dicabat, suoque er-  
 ga Religionem zelo animatus Apostoli-  
 cas expeditiones in se susceperat, ex  
 quibus uberes animarum fructus repor-  
 tabat, tandem vero eruditionis, ac pie-  
 tatis ejus fama ad Sebastianum Lusita-  
 niæ Regem delata ab eodem Principe  
 ad Synodum Tridentinam decernebatur,  
 ut ibidem Regis Theologum ageret, ubi  
 etiam orationem latinam postea typis  
 im-

Sæcul XVI.  
 A C. 1576.

Nicol. Ant.  
 Bibl. script.  
 Hisp.  
 Osorius in  
 Præf. lib.  
 orth. explic.  
 Dupin. l. c.  
 p. 153.